

Pà l'indipendenza di a Corsica !

Pruvucazioni sciuvinisti di Macron contr'à i Corsi

Issu articulu hè statu traduttu di u Bolchévik, ghjurnali di a Ligue trotskyste de France, marzu 2018

Di settembre, aviamu scrittu nantu à Macron è a numinazioni d'un certu Eric Morvan à u capu di a pulizia nazunali : « *A numinazioni d'Eric Morvan hè una gattiva ancisa contr' à a lotta, chì femu a noscia, pà l'indipendenza di i populi corsu, bascu è catalanu di pettu à u Statu francesu* » (« L'omi di u "presidenti chì pruteghja" – A manu di farru in un guantu di seta bianca », *le Bolchévik* n° 221, settembre 2017). Morvan era statu numinatu sottu prifetti di Corti in aprili 1998, dui mesi dopu ch'eddu fussi tombu u prifettu Erignac. Dopu, Morvan era diventatu sottu prifettu di Baiona.

Morvan s'hè messu à travaddà subitù. U FLNC di u 22 d'uttrovi hà dichjaratu pocu fà : « *A ghjuventù di u nosciu paesi hà patutu più di rastillati quist'annu chè l'altri dapoi u principiu di a lotta muderna. Più di 150 interpellazioni, cù pè solu scopu di schidà i militanti. Comu si pudaria di ch'issa riprissioni hè una testimonianza di paci ?* »

Dapoi què, Macron ammucchjehja i pruvucazioni è l'umiliazioni. U tonu hè statu datu u 6 di farraghju pà a so visita in Corsica pà l'inaugurazioni d'una « Piazza Claude Erignac » in Aiacciu à l'occasioni di u vintesimu anniversariu di a so morti. Macron hà dettu ch'eddu era contru à l'aministia d'Yvan Colonna, accusatu è cundannatu à a perpetuità, senza nisuna prova, pà l'assassiniu d'Erignac. Macron hà dichjaratu à l'intenzioni di Gilles Simeoni, ecchisi avucatu di Colonna è sceffu di l'esecutivu corsu, ch'ùn assassiniu cume quessu « *ùn s'avucaghjaia micca* », minacciendu cusì tutti quiddi chì pudariani esse cunfruntati à a pulizia « antiterrorista » di privà li di u dirittu u più elementari, quiddu d'avè un avucatu. ***Liberazioni immediata pà Yvan Colonna è tutti i militanti corsi incarcerati, ancu pè quiddi di u « commando Erignac » !***

U terrorismu individuali hè cuntrariu à i cuncizzioni marxisti chì s'appoghjani nantu à a mubilizzazioni in mansa di a classe operaia è di l'oppressi pà a rivuluzioni sucialista. Ma un attu cumu quiddu di l'assassiniu di u prifettu Erignac, un rapresentanti ufficiali di u Statu francesu, ùn hè micca un cri-

mini contru à a classe operaia o contru à u populu corsu oppressu, è difindimu quiddi pruseguiti pà què.

U 6 di farraghju, Macron era vinutu cù Jean-Pierre Chevènement, ecchisi ministru di i pulizzeri di u guvernu capitalistu di Jospin è rispusevuli di a dipurtazioni di millai di senza-documenti. Ghjè cù Chevènement chì u prifettu Bonnet, successori d'Erignac in Corsica, avia fattu brusgià clandestinamenti pagliotti pà fà accusà i naziunalisti corsi. Chevènement, chì stilla sciuvinismu anti-Corsu, hà dichjaratu : « *U scopu di i naziunalisti hè di ghjunghje à un'indipendenza chì trasfurmata a Corsica in un'isula maffiosa in u Maritarraniu* » (*Corse-Matin*, u 10 di farraghju).

Comu s'eddu ùn era micca abbastanza, Macron hà fattu u so discorsu u 7 di farraghju in Bastia nantu à a scena di un centru culturali, è micca à l'Assemblea di Corsica comu i so pridicessori Hollande è Sarkozy : dentru, cinque banderi francesi, cinque banderi europei, nisuna bandera corsa ! È si mittimu accantu a magra consulazioni di l'iscrizzioni di a Corsica in a custituzioni... francese (!), Macron hà nigatu tutti i rividincazioni di i naziunalisti.

L'ultima pruvucazioni hè quidda fatta à un dirighjenti storicu di u FLNC, Charles Pieri, chì face parti di a dirizzioni di a Corsica Libera di Jean-Guy Talamoni. Hè statu mantinutu 9 ori da i pulizzeri pà parolli (mischini è inghjurososi) à l'incontru di a veduva di u prifettu Erignac. Ùn sapemu micca si Pieri hè l'autori d'issi parolli. Di tutt'a manera, Macron cerca à mette a discordia trà l'autonomisti di Simeoni è l'indipendentisti di Talamoni, amichi pulitichi di Pieri.

Dapoi l'elezzioni municipali di Bastia in 2014, sin'à l'elezzioni tarrituriali di dicembre 2017, i naziunalisti corsi, autonomisti o indipendentisti, vanu di successu in successu. Di dicembre, anu uttenutu a maghjurità assoluta. Faci più di 250 anni chì a Corsica risisti à l'assimilazioni francese. Ci era un Statu corsu indipendenti sottu à a dirizzioni di Pasquale Paoli, di 1755 sin'à 1769. A Francia hà vintu l'armata corsa l'8 di maghju 1769. Cuntrariamenti à i bucii sciuvinisti chì si pò sente, a nazioni corsa ùn hà mai sceltu l'assimilazioni à a Francia : a Corsica hè stata annessata. ***Pà l'indipendenza di a***

Pà una repubblica operaia !

Pà i Stati Uniti sucialisti d'Europa !

Cuntatti: Ligue trotskyste, sezione francese di a Liga comunista internaziunale (quarta-internaziunalista)

☎ 01 42 08 01 49 – ✉ ltfparis@hotmail.fr – ✉ Le Bolchévik, BP 135-10, 75463 Paris Cedex 10

Suppl. au *Bolchévik* n° 224 - Dir. de publ.: X. Benoît - CP 0920 P 11506 - Imp. Tracts, 7 pl. Jussieu, 75005 Paris
Tract imprimé par des ouvriers relevant de la convention nationale des imprimeries de Labeur et des industries graphiques

Corsica ! Pà una ripubblica operaia !

L'autonomia vulsuta da i nazionalisti corsi ùn hà tant' à vede cù l'eserciziu di u dirittu d'autodeterminazioni, voli à di u dirittu à l'indipendenza, dunqui quiddu di a nazioni corsa di spiccà si di a Francia. S'agisciaria d'un statutu accumudatu in u quadru di a Ripubblica Francese. A riprissioni attuali in Catalonia moscia u caratteru largamenti fittiziu di i puteri autonomi di a Generalitat, ch'ùn hà nisun attributu essenziali à un Statu, anzi tuttu i forzi armati. In u so discorsu, Macron hà dichjaratu chè ci saria rinforzi di pulizza è un spiigamentu di brigati, voli à di un rinforzu di l'apparechju riprissivu **francesu** in Corsica. Comu u faci rimarcà u nazionalistu Pierre Poggioli, a Corsica « *hà, in prupurzioni, u parcentuali più altu di pulizzeri, di ghjandarmi, è di militari pà ciò chì cuncerne l'Esagonu* » (Nutizie Nustrale, u 7 di farraghju). **Chjuditura di a basa aeronavali d'Asprettu è di a basa aerea di Solenzara ! Truppi è pulizzeri francesi, fora di Corsica !**

Di fattu, i rivendicazioni principali di i nazionalisti, assai mudesti è luntani d'una vera autodeterminazioni di a nazioni corsa, sò difendibili. Quandu vulemu a libarazioni immidiata di i prighjuneru pulitichi nazionalisti trà quiddi Colonna, volini l'amnistia è, s'eddu ùn hè pussibili, a so incarcerazioni in a prighjò di u Borgu in Corsica. Stéphanie Colonna hà dichjaratu, parlandu di l'incarcerazioni di u so maritu in Arles : « *Sarrebbe veramenti più simplici è più nurmali s'eddu fussi quì è chì u so fiddolu pudissi vede lu tutti i settimane.* »

L'egemonia è i privilegji di a lingua francese in Corsica, o in Iparralde (Paesi Bascu Settentrionali) è in Catalonia Settentrionali, si sprima comu a sola lingua ufficiali, ciò chì Macron hà riaffirmatu u 7 di farraghju. Lénine, codirighjenti cù Trotsky di a sola rivuluzioni operaia vitturiosa cent'anni fà in Russia, sè sempri oppostu à l'impusizioni cù forza d'una lingua ufficiale, a lingua di l'oppressori.

In Corsica, a lingua di l'oppressori, ghjè u francese. **Nisun privilegju pà u francese in Corsica, Iparralde è Catalonia Settentrionali !** Comu pà u criolu in Guadalupa, ghjè un scandalu chì a lingua corsa sii considerata quant'è una lingua « straniera » in Corsica. **Pà l'insignamentu in lingua corsa di a scola materna sin'à l'università, cù programmi bilingui gratisi è di qualità pà l'immigrati affinchè si possi assicurà a trasizioni trà a so lingua materna è u corsu !** In casu cuntrariu, difindiamu a cuufficialità di a lingua corsa vulsuta da i nazionalisti corsi, ancu si saria una misura assai parziali in a difesa di u corsu.

U « statutu di residenti » rivendicatu da i nazionalisti corsi hè dinò una rivendicazioni assai mudesta è parziali cù u scopu di limità un pocu a prissioni di i cuntinentali nantu u tarrieri corsu è dinò nantu à i listi alitturali di l'isula. Comu a dici un militanti di Corsica Libera (*Mediapart*, u 19 di ghjennaghju

2017), cù sta misura i candidati chì volenu cumprà nantu à l'isula duvariani « *avè campatu 5 anni in residenza principali in Corsica, è dunqui avè pagatu l'impusitu nantu à i rivinuti, nanzu di pudè sbulicà nantu à parecchi prupietà. Un sarà micca un casu pà i corsi di a diaspora.* »

Cum'è marxisti, u nosciu puntu di partenza hè ch'ùn cunsidararemu mai di manera iguali una nazioni oppressa è u Statu oppressori. A lotta d'una nazioni oppressa, cumu quidda di a nazioni corsa pà difende a so propria esistenza, hè lighjittima è ghjusta. Ghjè parchi semu nimichi spietati di l'oppressioni nazionalisti chì ci opponemu à a parolla d'ordini utopica è riazziunaria di l'« apertura di i frontieri ». Comu si pò vede cù a storia di u Statu sionistu d'Israeli pà i Palistiniani, un'immigrazioni massiccia è senza limita rinceuseghja u dirittu à l'autodeterminazioni. A Francia pratichheghja l'« apertura di i fruntieri » in Nova Caledonia dapoi decenni. Hà ancu « *accentuatu a so pulitica di pupulamentu in l'anni 1960 1970 cù a vultà di rende i Kanak minoritarii è premuniendu si cusì di i velleità independentisti* » (*le Monde*, u 9 di dicembri 2017).

Essendu pà l'indipendenza di classe di u pruletariatu, ùn demu nisun sustegnu à i nazionalisti corsi ch'ani, par difinizioni, una parspittiva capitalista. A noscia parspittiva hè quidda d'una **ripubblica operaia** di Corsica, in u quadru di i Stati Uniti sicialisti d'Europa. A lotta pà l'indipendenza di a Corsica, comu quidda di u populu catalanu, pò esse una leva impurtanti pà accelerà a scumpusizioni di l'Unioni auropeana. Quissa hè un strumentu riazziunariu à u sirviziu di i puteri imperialisti d'Europa, à u centru di quiddi l'Alimagna è dinò a Francia, pà aumintà a splutazioni di i travagliadori in tutta l'Europa è a schjavità di i paesi più poveri, comu a Grecia, è di i nazioni minoritari in i Stati multinazionali. Pà issa raghjò, i dirighjenti di l'Unioni auropeana sò accanitamente contru à l'indipendenza di a Catalonia, di a Scozia, è, ùn ci hè bisogna di dilla, a nazioni corsa, malgradu l'illusioni di i corsi nazionalisti di punta à Bruxelles è u so stracciu di carta, a « cartula di i lingu ». **A bassu l'Unioni auropeana ! Pà i Stati Uniti sicialisti d'Europa !**

L'oppressioni nazionalisti da a burghesia francese sopr'à i Corsi, i Baschi, i Catalani, i Guadalupeani, i Martinichesi, i Kanak rode l'unità di a classe pruletariana, è u sciuvinismu di grandi putenza incatineghja a classe operaia à u so nemicu di classe. Lottemu pà mubilizà a classe operaia di Francia pà difende i diritti nazionalisti di u populu corsu è contru à u sciuvinismu ch'incancherisci u pruletariatu francese. A lotta pà a libarazioni nazionalisti di a Corsica cusì po ghjova di forza nutrici pà a rivuluzioni sicialista in Francia è aldilà in l'Europa intera. Pà què ci voli lottà pà partiti lininisti truschisti, sezioni nazionalisti disciplinati d'una Quarta Internazionalisti ristazzunata. ■

SPARTACIST 

NUMERO 43 EDITION FRANÇAISE ÉTÉ 2017

La lutte pour le léninisme sur la question nationale



13 octobre 1919 - Des milliers d'étudiants se rassemblent à Montréal au soutien du Front de libération de Québec. En haut à gauche : Lénine au Deuxième Congrès de l'Internationale communiste en 1920.

La bataille contre l'Hydre chauvine
Document de la Septième Conférence Internationale de la LCI

ARGENT... CANADA... ESPAGNE... ITALIE... SUÈDE... USA... 1981

Spartacist, edizioni francesa
n° 43, istati 2017
1 € (32 paghjini)

Abbonate vi !

Le Bolchévik Ghjurnali di a Ligue trotskyste de France

Statu francese : 3 € pà 4 numari (1 annu)
Europa : 4,50 € Fora d'Europa : 6,00 €

cù *Spartacist* (edizioni francesa)


Nomu : _____ Tel : _____

Indirizzu : _____ CP : _____

Cità : _____ Paesi : _____

suppl 224 corse

Secchi à l'ordini di Société d'édition 3L
LB, BP 135-10, 75463 Paris Cedex 10, Francia



LE BOLCHEVIK 

Trimestriel Juin 2018

A bas l'UE et ses « directives de Bruxelles » antisyndicales !

Victoire à la grève des cheminots !

POUR UN PARTI OUVRIER RÉVOLUTIONNAIRE d'avant-garde, multiethnique et multiracial !